



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCXCVIII. Continuatio ejusdem Historiæ.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

stuti sibi auxiliij experienciâ, & ex reprehensione suæ prioris diffidentia profecerit. Nam cum Christus post Resurrectionem ex ingenti captura piscium à S. Joanne agnitus fuisset in littore stans, & Joannes, ut ipse refert c. 21. v. 7. dixisset: *Dominus est*; Simon Petrus cum audisset, quia *Dominus est*, tunicâ succinxit se (erat enim nudus) & misit se in mare. Ecce non amplius expectat jussionem vocantis, nihil dubitans de Voluntate Christi, ad juvandum paratâ, nihil metuit, sed plenus Fiduciâ rursus ambulat super aquas. Sic ex prioribus tuis defectibus, & reprehensionibus illorum stude in eorum oppositis Virtutibus proficere, & temetipsum emendare. Sic etiam per experientiam Divinæ erga te Providentiæ, Bonitatis, Auxiliorum, & Gratiarum firmam in DEVM Fiduciam concipe.

## MEDITATIO CCXCVIII.

### *Continuatio ejusdem Historiæ.*

**P**UNCTUM I. Considera fructum ex superata tempestate, & ex Christi Præsentia ab Apostolis relatum. Dicit enim S. Marcus c. 6. v. 51. *Et ascendit ad illos in navim, & cessavit ventus*; & plus magis intra se stupebant; non enim intellexerunt de panibus: erat enim eorum obcæcatum. Addit S. Matthæus c. 14. v. 33. *Qui autem in navicula erant, venerunt & adoraverunt eum, dicentes: Verè Filius DEI es.* Itaque per experientiam suam didicerunt Apostoli, quàm periculosum sit, esse procul à Christo; quàm securum autem, & tranquilum sit, secum habere Christum in navicula cordis,

N vel



vel etiam memoriæ, semper sibi Christum præse-  
tem statuentis. Præterea experti sunt, quanto ma-  
gis profint adversa, quàm prospera. Cùm enim pa-  
nibus liberaliter & ad abundantiam reficerentur  
non recordati sunt, illud Miraculum factum esse  
contestandum, Christum esse Filium DEI; sed con-  
eorum erat obcæcatum; quando autem tempestati  
jactati, & liberati sunt, tunc venerunt, & adorave-  
runt eum, dicentes: *Verè Filius DEI es.* Ideo recte di-  
xit Ecclesiasticus c. 34. v. 11. *Qui tentatus non est, qua-  
lia scit?* Et Isaias. c. 28. v. 19. *Tantummodo sola veritas  
intellectum dabit auditui.*

PUNCT. II. Considera, modum, quo felicem  
optatum actionum nostrarum successum consequi-  
mur, & facili labore præstemus id, quod aliàs magno  
& longo labore non assequeremur, esse, Christum Se-  
civum & Adjutorem nobis adjungere, & in illius Ob-  
sequium omnia facere. Id iterum experti sunt Apo-  
stoli: qui cùm essent, teste Marco c. 6. v. 48. *Labo-  
rantes in remigando, usque ad quartam vigiliam noctis, plus  
itineris non confecerunt, quàm, ut S. Joannes testatur  
c. 6. v. 19. Stadia viginti quinque, aut triginta.* Deinde  
verò eodem teste v. 21. *Voluerunt eum accipere in navem  
(atque etiam receperunt) Et statim navis fuit ad terram,  
in quam ibant.*

PUNCT. III. *Et cùm transfretàssent, venerunt in  
terram Genesar. Et cùm cognovissent eum viri loci illius, mi-  
serunt in universam regionem illam, & obtulerunt ei omnes  
malè habentes: & rogabant eum, ut vel fimbriam vestimenti  
eius tangerent. Et quicumque tetigerunt, salvi facti sunt.*  
Matth. 14. v. 34. *Stude & tu malè habentes, nempe  
peccatores, vel ignorantia rerum sibi utilium labo-  
rantes*



rantes, ad Christum, atque ejus Amorem & Cognitionem adducere. Vestimentum Christi est Justitia Christi; hac enim Sacerdotes debent indui juxta regium Psalmen: *Sacerdotes tui induantur Justitiam* Pl. 131. v. 9. Attingere autem vestimentum, est Imitatione ita accedere vicinum, ut etiam ad eum pertingat, præsertim ad Humilitatem illius, quæ est fimbria vestimenti, & ad Charitatem, quam etiam Psalmista per fimbrias aureas intelligit Pl. 44. v. 14. de interiori Animæ ornatu loquens: *Omnis gloria ejus Filia Regis ab intus, in Fimbrijs aureis, circumamicta Varietatibus.* Denique considera, si Christi vestimentum attingere causa Salutis est, quantò magis Christum ipsum induere?

## MEDITATIO CCXCIX.

*Christus manifestat Mysterium Eucharistia.* Joan. 6.

**PUNCTUM I.** Postquam Christus imminente die Paschatis, ut patet ex S. Joanne c. 6. v. 4. quinque mille viros quinque panibus & duobus piscibus abundanter refecerat, & eadem nocte mare siccis pedibus transierat, usque dum naviculam, in medio mari jactatam, conscenderet: altera die, ut notavit S. Joannes v. 22. Judæi, cum invenissent eum trans mare, dixerunt ei: *Rabbi, quando huc venisti?* Respondit eis *JESUS,* & dixit: *Amen, amen dico vobis, quæritis me, non quia vidistis Signa, sed quia manducastis ex panibus, & saturati estis.* Joan. 6. v. 25. Considera, Christum interrogatum de modo & tempore, quo per interpo-